

汉
魏
丛
书

汉魏丛书

右竹書紀年三卷按晉書束皙傳太康元年汲郡人不準盜發魏襄王墓或云安釐王冢得竹書數十車其紀年十三篇記夏以來至周幽王事仍述魏事至安釐王之二十年蓋魏國之史書大略與春秋多相應其中與經傳大異則夏年多殷益于啟位太甲殺伊尹自周受命至穆王百年共伯和攝行天子事也杜預左傳後序則云太康元年汲郡得古文科斗書久廢不能盡通所記大凡七十

五卷多雜碎怪妄不可訓知惟紀年最爲分了紀

年起自夏殷周皆三代王事無諸國別爲特記晉
國起自殤叔次文侯昭侯至曲沃莊伯皆用夏正
建寅之月爲歲首編年相次晉國滅獨記魏事下
至哀王之二十年謂之今王文意大似春秋所記
多與左傳符同一說互有詳略但其紀年皆自夏
始而今書則起黃帝軒轅氏其言夏殷周年數不
如本傳所說亦無益于啟位事豈後之編此書者
考諸經傳得以監省違失從而刪改之邪而今書
尙有伊尹自立太甲潛出自桐殺伊尹之文沈約

疑此文與前後不類蓋後人所益又有文丁殺季
厯事約亦略爲疏證約於此書討論不必無功但
多引讖緯好陳符瑞故於其所著宋書創爲此志
蓋其蔽也而劉知幾羅長源之徒猶以囚堯逐舜
之說舉而諉之竹書且謂竹書出於魏晉之間當
時逢君之臣爲之分謗而附益之則如束皙傳中
又何不與益伊尹事並舉而譏之也齊東野語盡
屬無稽斯又可以不辨汝上王謨識

竹書紀年目錄

卷上

黃帝軒轅氏

帝摯少昊氏

帝顓頊高陽氏

帝嚳高辛氏

帝堯陶唐氏

帝舜有虞氏

帝禹夏后氏

帝啓

帝太康

帝仲康

帝相

帝少康

帝杼

帝芬

帝芒

帝泄

帝不降

帝局

帝厘

帝孔甲

帝昊

帝發

帝癸

殷商成湯

外丙

仲壬

太甲

沃丁

小庚

小甲

帝雍巴

太戊

仲丁

外壬

河亶甲

祖乙

祖辛

開甲

祖丁

南庚

陽甲

盤庚

小辛

小乙

武丁

祖庚

祖甲

馮辛

庚丁

武乙

文丁

帝乙

帝辛

卷下

周武王

成王

康王

昭王

穆王

共王

懿王

孝王

夷王

厲王

宣王

幽王

平王

桓王

釐王

惠王

襄王

頃王

匡王

定王

簡王

靈王

景王

敬王

元王

貞定王

考王

威烈王

安王

烈王

顯王

慎靚王

隱王

愍王

哀王

貞哀王

肅王

肅王

肅王

靈王

肅王

哀王

肅王

肅王

肅王

肅王

目錄終

肅王

竹書紀年卷上

梁沈約附註金谿王賢喈校

黃帝軒轅氏

母曰附寶見大電繞北斗樞星光照郊野感而孕

二十五月而生帝於壽丘弱而能言龍顏有聖德

効百神朝而使之應龍攻蚩尤戰虎豹熊羆四獸

之力以女魃止淫雨天下既定聖德光被祥瑞畢

臻有屈軼之草生於庭佞人入朝則草指之是以

佞人不敢進

元年帝卽位居有熊

初制冕服

二十一年景雲見以雲紀宮於八人博聞草莽之風以
有景雲之瑞赤方氣與青方氣相連赤方中有兩
星青方中有一星凡三星皆黃色以天清明時見
於攝提名曰景星帝黃服齋于中宮坐于元扈洛
水之上有鳳凰集不食生蟲不履生草或止帝之
東園或巢於阿閣或鳴於庭其雄自歌其雌自舞
麒麟在囿神鳥來儀有大螭如羊大螭如虹帝以
土氣勝遂以土德王

五十年秋七月庚申鳳鳥至帝祭于洛水

庚申天霧三日三夜晝昏帝問天老力牧容成曰
於公何如天老曰臣聞之國安其主好文則鳳凰
一居之國亂其主好武則鳳凰去之今鳳凰翔於東
郊而樂之其鳴音中夷則與天相副以是觀之天
正有嚴教以賜帝帝勿犯也召史卜之龜焦史曰臣
不能占也其問之聖人帝曰已問天老力牧容成
矣史北面再拜曰龜不違聖智故焦霧旣降游于
洛水之上見大魚殺五牲以醺之天乃甚雨七日

七夜魚流於海得圖書焉龍圖出河龜書出洛亦
文篆字以授軒轅接萬神於明庭今塞門谷口是
也
五十九年貫胸氏來賓
七十七年昌意降居若水產帝乾荒
一百年地裂其帝陟
帝王之崩皆曰陟書稱新陟王謂新崩也帝以土
德王應地裂而陟羣臣有左徹者感恩帝德取
衣冠几杖而廟饗之諸侯大夫歲時朝焉

帝摯少昊氏

約按帝摯少昊氏母曰女節見星如虹下流華渚
旣而夢接意感生少昊登帝位有鳳凰之瑞或曰
名清不居帝位帥鳥師居西方以鳥紀官

帝顓頊高陽氏

母曰女樞見瑤光之星貫月如虹感已於幽房之
宮生顓頊於若水首戴干戈有聖德生十年而佐
少昊氏二十而登帝位

元年帝卽位居濮

十三年初作厯象

二十一年作承雲之樂

三十年帝產伯鯨居天穆之陽

七十八年帝陟術器作亂辛侯滅之

帝嚳高辛氏

生而駢齒有聖德初封辛侯代高陽氏王天下使

鼓人拊鞀鼓擊鐘磬鳳凰鼓翼而舞

元年帝卽位居亳

十六年帝使重帥師滅有鄩